

## Վարիսմո\* (Ֆարիցիմար) դեղի Ձեր ուղեցույցը ▼

---

Հետևյալ հիվանդությունները բուժելու համար.

- Նեովասկուլյար (թաց) տարիքային մակուլոդիստրոֆիա (նՏՄԴ)
- Դիաբետիկ մակուլյար այտուց (ԴՄԱ)
- Ցանցաթաղանթի կենտրոնական երակի խցանմամբ պայմանավորված մակուլյար այտուց (ՑԿԵԽ)
- Ցանցաթաղանթի պերիֆերիկ երակի խցանմամբ պայմանավորված մակուլյար այտուց (ՑՊԵԽ)

Այս ուղեցույցը պարունակում է կարևոր տեղեկություն անվտանգության վերաբերյալ, որը կօգնի Ձեզ հասկանալ Վարիսմո դեղով բուժման հետ կապված օգուտները և ռիսկերը:

Այս ուղեցույցը կօգնի ստանալ հավելյալ տեղեկություն Ձեր հիվանդության մասին և հասկանալ, թե ինչ ակնկալել բուժումից: Այն նախատեսված է նաև նԱՄԴ, ԴՄԱ, ՅԿԵԽ, ՅՊԵԽ ունեցող պացիենտների խնամողների համար: Եթե ունենաք հավելյալ հարցեր, դիմե՛ք Ձեր բուժող բժշկին:

▼Տվյալ դեղը ենթակա է հավելյալ վերահսկման: Դա հնարավորություն կտա բացահայտել նոր տեղեկություն դեղի անվտանգության վերաբերյալ: Մենք հորդորում ենք առողջապահության ոլորտի մասնագետներին տեղեկացնել ցանկացած կասկածելի անցանկալի կողմնակի ազդեցությունների մասին: Անցանկալի կողմնակի ազդեցությունների հաղորդման եղանակները ներկայացված են դեղի կիրառման հրահանգի (ներդիր թերթիկի) չորրորդ բաժնում:



## 1 | Անվտանգության վերաբերյալ կարևոր տեղեկության ամփոփում

Որքան հնարավոր է շուտ դիմեք բժշկի, եթե Վարիսմո դեղի բուժումից հետո Ձեր մոտ հայտնվել են հետևյալ ախտանշանները.

- Տեսողության կտրուկ վատացում
- Տեսողությունը դարձել է ոչ հստակ, կամ սկսել էք սովորականից վատ տեսնել, ինչպես նաև նկատել էք «բծերի» քանակի ավելացում տեսադաշտում
- Աչքերի ուժգնացող կարմրություն, աչքերում՝ ցավ, տհաճ զգացողություն
- Լույսի նկատմամբ բարձր զգայունություն

## 2 | Ի՞նչ է նՏՄԴ-ն

**Նեովասկուլյար Տարիքային մակուլյար դիստրոֆիան՝ նՏՄԴ,** 60 և ավելի բարձր տարիքում տեսողության կորուստի հաճախ հանդիպող պատճառն է: ՆՏՄԴ-ի պրոգրեսիայի ժամանակ տեղի է ունենում տեսողության աստիճանական անկում: Այն քրոնիկ հիվանդություն է, որը պահանջում է անընդհատ վերահսկողություն:

Մակուլյար դիստրոֆիան զարգանում է, երբ ախտաբանական փոփոխված անոթները ներթափանցում են մակուլյայի մեջ (ցանցաթաղանթի կենտրոնական մաս): Փոփոխված անոթներից աչքի հետին պատի մեջ կարող է ներթափանցել հեղուկ կամ արյուն, որի հետևանքով առաջանում է ցանցաթաղանթի (աչքի հետին պատի լուսազգայուն մասի) այտուց՝ բերելով տեսողության իջեցմանը:


նՏՄԴ կարող է ախտահարել մեկ կամ երկու աչքերը, սակայն ախտահարումը տեղի է ունենում միայն տեսողության կենտրոնական մասում:

**Ցանցաթաղանթն** աչքի հետին պատի շերտն է, որն ընկալում է մեզ տեսանելի պատկերները և փոխանցում դրանք գլխուղեղ:

**Մակուլյան** ցանցաթաղանթի կենտրոնական մասն է, որը պատասխանում է առավել հստակ տեսողության համար: Դրա շնորհիվ, մենք կարող ենք կարդալ, վարել ավտոմեքենա, ճանաչել դեմքերը և գույները, ինչպես նաև ուսումնասիրել առարկայի մանր մասերը:

## Առողջ աչք


---



## Աչքը նՏՄԴ ժամանակ

---

Արյունատար անոթների  
ոչ նորմալ աճ



## Հնարավոր է զարգանան հետևյալ ախտանշանները.



մուգ, դատարկ կետի առկայություն տեսադաշտի կենտրոնական շրջանում



գույները խամրած են թվում



ոչ հստակ տեսողություն



առարկաների ձևերի աղավաղում

- մուգ, դատարկ կետի առկայություն տեսադաշտի կենտրոնական շրջանում
- գույները թվում են ոչ վառ
- աղավաղված կամ ոչ հստակ տեսողություն, օրինակ՝ ուղիղ գծերը թվում են ալիքաձև
- առարկաների ձևերի և չափերի աղավաղում

- կարդալու, մեքենա վարելու, հեռուստացույց դիտելու կամ այլ առօրյա գործողություններ կատարելու դժվարություններ:

### 3 | Ի՞նչ է ԴՄԱ

**Դիաբետիկ մակուլյար այտուց՝ ԴՄԱ**, կարող է զարգանալ շաքարային դիաբետի ժամանակ արյան մեջ շաքարի (գլյուկոզայի) մակարդակի երկարատև բարձրացման հետևանքով:

ԴՄԱ-ն ցանցաթաղանթի (աչքի հետին պատի լուսազգայուն շերտի) արյան անոթների վնասումն է: Այն կարող է բերել հեղուկի արտահոսքի և մակուլայի (ցանցաթաղանթի կենտրոնական մասի) այտուցի, որն ընթանում է տեսողության վատացումով:

Շաքարային դիաբետի ժամանակ տեսողության վատթարացման հիմնական պատճառը՝ ԴՄԱ-ն է:


**Ցանցաթաղանթն** աչքի հետին պատի շերտն է, որն ընկալում է մեզ տեսանելի պատկերները և փոխանցում դրանք գլխուղեղ:

**Մակուլան** ցանցաթաղանթի կենտրոնական մասն է, որը պատասխանում է առավել հստակ տեսողության համար: Դրա շնորհիվ, մենք կարող ենք կարդալ, վարել ավտոմեքենա, ճանաչել դեմքերը և գույները, ինչպես նաև ուսումնասիրել առարկայի մանր մասերը:




## Առողջ աչք

---




## Աչքը ԴՄԱ ժամանակ

---



## Հնարավոր է զարգանան հետևյալ ախտանշանները.



տեսադաշտում հայտնվում են թերություններ կամ բծեր



գույները խամրած են թվում



տեսողությունը ոչ հստակ է



առարկաների ձևերն աղավաղված են

- Դուք կարող եք նկատել թերություններ կամ մուգ բծեր տեսադաշտում
- Գույները կարող են թվալ խավար կամ գունատ
- Տեսողությունը կարող է լինել ոչ հստակ, իսկ ուղիղ գծերը՝ թվալ ալիքաձև
- Հնարավոր է առարկաների չափերի աղավաղում
- Պայծառ կամ չափազանց ինտենսիվ լուսավորության ժամանակ

կարող են ի հայտ գալ տեսողության հետ կապված խնդիրներ

- Կարդալու կամ մեքենա վարելու ժամանակ հնարավոր է զարգանան դժվարություններ:

## 4 | Ի՞նչ է Ցանցաթաղանթի կենտրոնական երակի խցանումը

**Ցանցաթաղանթի երակի խցանումը (ՑԵԽ)** աչքի քրոնիկ հիվանդություն է, որը կարող է հանգեցնել տեսողության հանկարծակի անցավ կորստի:

Սովորաբար ՑԵԽ-ն ախտահարում է միայն մեկ աչք: **ՑԿԵԽ-ը** զարգանում է ցանցաթաղանթի արյունը հեռացնող գլխավոր երակի արյունամատակարարման խախտման հետևանքով:


**ՑԵԽ-ի** ժամանակ խախտվում է արյան հեռացումը ցանցաթաղանթից, որի հետևանքով զարգանում են արյունազեղումներ, և տեղի է ունենում հեղուկի արտաթափանցում՝ բերելով մակուլայի այտուցի:

**Ցանցաթաղանթն** աչքի հետին պատի շերտն է, որն ընկալում է մեզ տեսանելի պատկերները և փոխանցում դրանք գլխուղեղ:

**Մակուլայն** ցանցաթաղանթի կենտրոնական մասն է, որը պատասխանում է առավել հստակ տեսողության համար: Դրա շնորհիվ մենք կարող ենք կարդալ, վարել ավտոմեքենա, ճանաչել դեմքերը և գույները, ինչպես նաև ուսումնասիրել առարկայի տարբեր մասերը:


## Առողջ աչք

---



## Աչքը ՑԿԵԽ-ի ժամանակ

---




## Հնարավոր է զարգանան հետևյալ ախտանշանները.



տեսադաշտում հայտնվում են թերություններ կամ բծեր



Գույները խամրած են թվում



Տեսողությունը ոչ հստակ է

- Մեկ աչքի հանկարծակի պղտորություն կամ մասնակի, կամ ամբողջական կորուստ՝ առանց ցավի
- Տեսադաշտում հնարավոր է հայտնվեն մուգ բծեր, կոր թելեր կամ գծեր
- Գույները կարող են թվալ խամրած կամ աղոտ
- Տեսողությունը կարող է լինել ոչ հստակ, իսկ ուղիղ գծերը կարող են թվալ ալիքաձև
- Հնարավոր են կարդալու կամ մեքենա վարելու դժվարություններ

## 5 | Ի՞նչ է Ցանցաթաղանթի պերիֆերիկ երակների խցանումը

**Ցանցաթաղանթի երակի խցանումն (ՑԵԽ)** աչքի քրոնիկ հիվանդություն է, որը կարող է հանգեցնել տեսողության հանկարծակի անցավ կորստի:

Սովորաբար ցանցաթաղանթի երակի խցանումն ախտահարում է միայն մեկ աչքը: Ցանցաթաղանթի պերիֆերիկ (ծայրամասային) երակների խցանումը (ՑՊԵԽ) զարգանում է աչքի ցանցաթաղանթի գլխավոր երակի մեկ կամ մի քանի ճյուղերի արյան շրջանառության խախտման հետևանքով, որոնք ապահովում են արյան արտահոսքը ցանցաթաղանթից:


ՑԵԽ-ի ժամանակ խախտվում է արյան հեռացումը ցանցաթաղանթից, որի հետևանքով առաջանում են արյունազեղումներ և տեղի է ունենում հեղուկի արտաթափանցում՝ բերելով մակուլայի այտուցի:

**Ցանցաթաղանթն** աչքի հետին պատի շերտն է, որն ընկալում է մեզ տեսանելի պատկերները և դրանք փոխանցում ուղեղին:

**Մակուլան** ցանցաթաղանթի կենտրոնական շերտն է, որը պատասխանում է առավել հստակ տեսողության համար: Դրա շնորհիվ մենք կարող ենք կարդալ, վարել ավտոմեքենա, ճանաչել դեմքերը և գույները, ինչպես նաև ուսումնասիրել առարկայի մանր մասերը:


## Առողջ աչք

---



## Աչքը ՑՂԵԽ-ի ժամանակ

---



## Հնարավոր է զարգանան հետևյալ ախտանշանները.



տեսադաշտում հայտնվում են թերություններ կամ բծեր



գույները խամրած են թվում



տեսողությունը ոչ հստակ է

- Մեկ աչքի հանկարծակի պղտորություն կամ տեսողության մասնակի կամ ամբողջական կորուստ՝ առանց ցավի
- Տեսադաշտում կարող են հայտնվել մուգ բծեր, կոր թելեր կամ գծեր
- Գույները կարող են թվալ գունատ կամ խամրած
- Տեսողությունը կարող է լինել ոչ հստակ, իսկ ուղիղ գծերը կարող են թվալ ալիքաձև
- Հնարավոր են կարդալու կամ ավտոմեքենա վարելու դժվարություններ




## 6 | Ի՞նչ է Վարիամոն:

Վարիամոն ներակնային ներարկման դեղ է, որի ակտիվ բաղադրատարրը **ֆարիցիմաբն է**:

Որոշ սպիտակուցների բարձր մակարդակը կարող է հանգեցնել արյան անոթների ախտաբանական աճի կամ աչքի հետին պատի առողջ անոթների վնասման: Այս վնասված անոթներից հեղուկը կարող է արտահոսել աչքի հյուսվածքների մեջ՝ առաջացնելով այտուց և տեսողության վատթարացում:

Վարիամոն դեղն արգելափակում է այս սպիտակուցները՝ նվազեցնելով հեղուկի արտահոսքը հյուսվածքներ, հնարավորություն տալով պահպանել կամ նույնիսկ բարելավել տեսողությունը:

Դուք պարբերաբար ստուգումներ կանցնեք բժշկի մոտ՝ համոզվելու, որ բուժումն օգնում է ձեզ:



## 7 | Վարիսանդ դեղով բուժումը

### Ձեր բուժման օրվա նախապատրաստումը

Իսնդրեք ընտանիքի անդամներից կամ օգնականներից որևէ մեկին ուղեկցել ձեզ բժշկի մոտ: Սա կօգնի ձեզ ոչ միայն հասնել բուժաստատություն, այլ նաև հիշել բոլոր այն տեղեկությունները, որոնք բժիշկը կասի ձեզ գրույցի ընթացքում:

Ներարկման օրը խուսափեք դիմահարդարումից:

Ունեցեք արևապաշտպան ակնոցներ, քանի որ ներարկումից հետո Ձեր աչքերը կարող են լինել լուսազգայուն:



## Ներարկման օրը.

### Ներարկումից առաջ

Վաքիսմո դեղը կիրառվում է ներակնային ներարկման միջոցով (ներվիտրեալ ներարկում): Այս գործողությունը պետք է կատարի ներակնային ներարկումների փորձ ունեցող բժիշկը: Նախքան ներարկումը, բժիշկը Ձեր աչքի շրջանը կմշակի աչքերի լվացման ախտահանիչ լուծույթով՝ մաշկը մանրակրկիտ մաքրելու և վարակը կանխելու համար:

Բնական է անհանգստանալ նման ներարկումից առաջ; բժիշկը Ձեր աչքի մեջ կկաթեցնի աչքի կաթիլներ (տեղային անզգայացնող դեղ)՝ ցավազրկման համար, որպեսզի նվազի ցավի զգացողությունը ներարկման ժամանակ:

Որպեսզի չթարթեք, Ձեր կոպերը բաց դիրքում կանշարժացնեն հատուկ գործիքով

### Մինչև Վաքիսմոյի ներարկումը՝ տեղեկացրե՛ք Ձեր բժշկին հետևյալի մասին.

Եթե աչքի կամ հարակնային շրջանում ունեք վարակ

Եթե առաջացել է աչքի ցավ կամ կարմրություն աչքի մեջ (աչքի բորբոքում)

Եթե ունեք ավերգիա ֆարիցիմարի կամ այս դեղի որևէ այլ բաղադրիչի նկատմամբ: Ամբողջական ցանկը ներկայացված է ներդիր թերթիկում:

## **Ներարկման ժամանակ**

Ներարկումը տևում է մի քանի րոպե:

Դուք լինելու եք գիտակից վիճակում:

Ներարկման պահին հնարավոր է ունենաք ճնշման զգացողություն, բայց ցավ չպետք է լինի:

## **Ներարկումից հետո**

Հարցրե՛ք բժշկին՝ պետք է ձեզ արդյո՞ք խուսափել որևէ գործողություններից:

Կիրառե՛ք բոլոր այն դեղերը, որոնք կնաշանակի ձեզ ակնարկով:

Փորձեք հնարավորինս հաճախ հանգիստ տալ աչքերին, մասնավորապես, առաջին մի քանի ժամվա ընթացքում

Վաքիսմո դեղի ներարկումից հետո, հնարավոր է ունենաք տեսողության ժամանակավոր խնդիրներ (օրինակ՝ մշուշոտ տեսողություն): Մի՛ վարեք ավտոմեքենա և մի՛ աշխատեք մեխանիզմներով, քանի դեռ այս խանգարումները չեն անցել:

## 8 | Առաջարկություններ ներարկումից հետո պատշաճ խնամքի վերաբերյալ

Ներարկումից հետո դուք, ամենայն հավանականությամբ, կունենաք մշուշոտ տեսողություն և լողացող «բծերի» զգացողություն աչքերում: Սա նորմալ երևույթ է, և այն պետք է անհետանա մի քանի օրվա ընթացքում:

**Երբեմն, Վարիսոն դեղի ներվիտրեալ ներարկումներից հետո դուք կարող եք զգալ.**

- Ներակնային բորբոքում
- Աչքի հյուսվածքների հազվադեպ, բաց ծանր վարակ, որը կոչվում է էնդոֆթալմիտ

**Եթե դուք զգում եք պլերզիկ ռեակցիաների, բորբոքման կամ վարակի հետևյալ նշաններից որևէ մեկը, անմիջապես դիմեք Ձեր բժշկին.**

- Տեսողության հանկարծակի կորուստ
- Աչքի ուժգնացող կարմրություն, ցավ կամ ուժեղ անհանգստության զգացողություն աչքի մեջ
- Մշուշոտ կամ վատթարացող տեսողություն
- Լողացող «բծերի» քանակի ավելացում տեսադաշտում, որոնք պահպանվում են մի քանի օր
- Լույսի նկատմամբ զգայունության բարձրացում:

Կարևոր է հետևել Ձեր բժշկի առաջարկած բուժման ժամանակացույցին: Բուժումը դադարեցնելուց առաջ խորհրդակցեք Ձեր բժշկի հետ:

## 9 | Անվտանգության տեղեկատվության գեկուցում

Որևէ կողմնակի ազդեցության ի հայտ գալու դեպքում որքան հնարավոր է շուտ այդ մասին տեղեկացրեք Ձեր բուժող բժշկին: Դա վերաբերվում է նաև ուղեցույցի հետ միասին Ձեզ տրվող ներդիր թերթիկում չնշված որևէ այլ կողմնակի ազդեցությանը: Դուք նաև կարող եք ուղղակիորեն հաղորդել կողմնակի ազդեցության մասին՝ դիմելով ՀՀ ԱՆ «Դեղերի և բժշկական տեխնոլոգիաների փորձագիտական կենտրոն» ՊՈԱԿ՝ հետևյալ կոնտակտային տվյալներով.

Հասցե. ՀՀ, 0051 Երևան, Կոմիտասի պողոտա 49/5

Հեռ.՝ +374 60 830073

Թեժ գիծ. + 374 10 200505

Է.փոստ. [vigilance@pharm.am](mailto:vigilance@pharm.am)

Կայք. [www.pharm.am](http://www.pharm.am)

Ինչպես նաև Հայաստանում «Ֆ.Հոֆֆմանն-Լյա Ռոշե» դեղերի բժշկական ղեկավար / Դեղագոյնության տեղային պատասխանատու Գայանե Ղազարյանին, հեռ.՝ +374 91 796688 / կամ էլ.հասցե՝


gayaneh.ghazaryan@gmail.com; կամ Հայաստանում «Հոֆֆմանն-Լյա Ռոշե»


Դեղերի կոմերցիոն ղեկավար / Դեղագոյնության պատասխանատուի փոխարինող՝ Նունե Կարապետյանին, հեռ.՝ +374 91 721153, էլ.հասցե՝  
nune.k.karapetyan@gmail.com:

Ինչպես նաև կարող եք կապ հաստատել Ռոշե Վրաստանի Դեղերի անվտանգության բաժնի հետ, հեռ.՝ +995 322 507284; +995 322 506284 կամ էլ.հասցե՝ [georgia.safety@roche.com](mailto:georgia.safety@roche.com):

Կողմնակի ազդեցության մասին հաղորդելով՝ Դուք նպաստում եք այս դեղի անվտանգության վերաբերյալ լրացուցիչ տեղեկատվության ապահովմանը:

Անվտանգության վերաբերյալ լրացուցիչ տեղեկությունների համար խորհրդակցեք Ձեր բուժող բժշկի հետ և կարդացեք Վաբիամո դեղի ամբողջական կիրառման հրահանգները:

Signed by:  
Գայանե Ղազարյան   
B4369E36483247D...  
Ֆ.Հոֆմանն-Լյա Ռոշե ընկերության Դեղերի դեղագոյնության տեղային պատասխանատու, «4 Ա» ՍՊԸ

DocuSigned by:  
Նինո Գանուգրավա   
909D67894EE54F9...  
Բժշկական տնօրեն/ Ռոշե Վրաստան

Signed by:  
Էլեն Խարաիշվիլի   
69748C6766B241E...  
PtSL, Ռոշե Վրաստան ՍՊԸ

